



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 113. Siburgense Monasterium & oppidum ab Hispanis occupatum.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

§. CXIII.

Sæc. XVII.
A. C. 1615.*Siburgense Monasterium, & oppidum ab Hispanis occupatum.*

Minus religiose servabantur pacis fœdera Xanti inter Neoburgensem & Brandenburgicum Duces inita; quamvis enim Jacobus I. Angliæ Rex nil intentatum relinqueret, ut Hispani hæc pacta rata haberent, nihilominus haud obscure deprehensum, quod Hispani ac præcipue Fæderati Ordines occupata loca, ac dictionis Juliacensis urbes restituere cunctarentur, ac alter in alterum hujus tergiversationis culpam coniicerent, etsi ambæ partes scriptotenus declarassent, quod illas nonnisi tanquam rogati sequestris retinere vellent; Erat quoque in hisce regionibus Abbatia quædam, Siburgensis dicta, quæ nondum præsidario milite firmata erat; ne igitur Hispani eam sibi vendicarent, Brandenburgicus Abbatem urgebat, ut se neutri parti adhæsurum declararet: cunctabatur ille aliquamdiu, alterutrius partis violentiam veritus; tandem vero nuntio ad Henricum Montensem Comitem misso, Hispanos ad arripiendam Monasterii oppidique possessionem accersebat. Hic igitur nulla mora cum exercitu trium millium equitum pedumque accurrens, Hispanum præsidium

Merc. Gallob. tom. 10. l. 4.

Sæc. XVII. dium arci imposuit. Equidem Blau-
A. C. 1615. quenburgensis & Vindecensis Præfetti
 Hispanos inde eiicere nitebantur, ve-
 rum ambo a Neoburgico Principe ob
 violatam fidem exauctorati sunt, quos
 tamen Brandenburgicus denuo suis Præ-
 fecturis restituit. Paulopost Albertus
 Archidux ac Belgii Gubernator ad Fœ-
 deratos Ordines literas dabat, quibus
 se Xantensi pacto de copiis Juliaco abdu-
 cendis stare paratum declarabat: id qui-
 dem vicissim pollicebantur Ordines,
 mox tamen die secunda Julii suas Bran-
 denburgico copias junxerant, atque Al-
 tenam aliaque loca, totumque Marchen-
 sem & Friderico Nassovio ductore Ra-
 vensburgensem Comitatum occuparunt.
 Inde vero contigit, ut transactione
 Xantensi violata, Juliacensis Ductatus,
 cæteræque adjacentes Regiones ab ut-
 riusque partis militibus exhaurirentur,
 & subditi ad inopiam fere redigerentur;
 præterea Ordinum Fœderatorum mili-
 tes Coloniensem & Paderbornensem
 Diæcesin, perinde acsi hostilis esset re-
 gio, pecuniarum extorsionibus, rapi-
 nis & cædibus sæde devastarunt, sub-
 ditosque misere oppresserunt non aliam
 ob causam, nisi quod Catholicis, at-
 que Ecclesiasticis Principibus parerent.
 Monebat Coloniensis Elector Fæderatos
 Ordines, ut hosce milites revocarent,
 eos.

eosque in officio deinceps continerent, Sæc. XVII.
 sed ei ab his responsum, quod in præ- A. C. 1615.
 dones animadvertere, eosque e ditione
 sua quoquo modo exturbare sibimetipsi
 integrum foret, probe autem prospice-
 rent, quod si adversus hosce furibun-
 dos arma caperet Elector, ceterorum
 Protestantium arma in se concitaturus
 esset. Eodem quoque anno Fæderato-
 rum classis Georgio Spilbergo Archita-
 lasso, Hispanam classem navali prælio
 die decima septima Julii profligabat,
 dissipatis quinque Hispanorum navibus,
 ipsaque prætoria aquis hausta, unacum
 Alvaresio, & militum quamplurimis:
 Hoc tamen damnum compensatum vide-
 tur felicitate, qua Lusitani hoc anno
 Meliaporam Indiæ Orientalis urbem
 unacum arce occuparunt, ejecto Regis
 Bisnagæ præsidio.

§. CXIV.

*Principum, ac Virorum Illustrium
 obitus.*

Inter Principes, qui hunc annum mor- Gramond.
 tis necessitate sibi postremum habue- Hist. Gall.
 re, erat Margarita e stirpe Valefia, Hen- l. 1. p. 78.
 rici II. Galliæ Regis Filia, Henrici III.
 Soror, & Henrico IV. donec ejus ma-
 trimonii nexus pronuntiaretur irritus,
 conjux, partus tamen omnis experts:
 Dum